

СУХДА ДАВЛАТ ТИЛИ БАЙРАМИГА БАҒИШЛАБ ФУТБОЛ МУСОБАҚАЛАРИГА СТАРТ БЕРИЛДИ



21 октябрь мамлакатимиз ҳаётида унутилмас ва тарихий кун саналади. Чунки ушбу сана миллат тарихи китобининг саҳифаларида зарҳал ҳарфлар ила ёзажак. Бугун ўзбек тилининг давлат тили сифатида тан олинишига 30 йил тўлди. Ўзбекистон президенти Шавкат Мирзиёев 4 октябрь куни «Давлат тили ҳақида»ги (1989 йил 21 октябрь) [конуннинг](#) 30 йиллигини муносиб нишонлаш тўғрисидаги қарорни имзолади. Ушбу санага бағишланган байрамона тадбирлар мамлакатдаги барча шаҳар ва туманларда ўтказилади. Умумтаълим мактаблари ўқувчилари ўртасида ўзбек тили мавзусида иншолар танлови ўтказилади. Мамлакатдаги театрлар ва кинотеатрларда, маданият саройларида буюк алломалар ҳақидаги спектакллар, бадий ва ҳужжатли фильмлар намоиши ташкил этилади.

Сух туманида ўтказилаётган маънавий-маърифий тадбирлар қаторида давлат тили кунига бағишлаб, спорт мусобақларини ўтказилиши ҳам режалаштирилган бўлиб, бугун ушбу мусобақларга туман марказий ўйингоҳида старт берилди. Туман Ёшалр Иттифоқи ташаббуси билан туманда бугундан бошлаб, туман ҳокимининг кубоги учун футбол мусобақалари ўтказилади. Қуръа ташлаш маросимида маҳаллалар, туман корхона-ташкilotларидан келган спортчилар қатнашишди ва ушбу тадбирда туман ҳокими бошчилигида бошқа мутасаддий идоралар раҳбарлари ҳам иштирок этишди. Тадбирида сўз олганлар энг аввало, давлат тилининг нуфузи, дунёдаги қадимий ва бой тиллардан бири бўлган ўзбек тили халқимиз учун миллий ўзлик ва мустақил давлатчилик тимсоли, бебаҳо маънавий бойлик, мамлакатимизнинг сиёсий-ижтимоий, маънавий-маърифий тараққиётида ғоят муҳим ўрин эгаллаб келаётган буюк қадрият эканлигини алоҳида таъкидлаб ўтишди. Спортчиларимизнинг халқаро майдонлардаги ғалабалари, қўлга киритилган ғалабалар ҳошиясида миллий байроғимизнинг бошимиз узра ҳилпираши, қолаверса, Ўзбекистон Республикаси Давлат мадҳиясининг садо бериши ҳар биримизга олам-олам бахт ва қувонч бағишлайди. Шундай экан, ҳар биримиз доимо шу Ватанни севиб ардоқлашимиз ва давлат тиилга бўлган меҳр-муҳаббатимизни ўзимизнинг фидокорлигимиз билан исботлашимиз лозим.



Шундай қилиб, қуръа ташлаш маросимида тумандаги корхона-ташкilot ва маҳаллалардан келган 32та жамоа қатнашишди ва жамоалар бугундан бошлаб, алоҳида-алоҳида гурўҳларга бўлиниб, ўзаро беллашишади. Мусобақалар олимпия шартлари асосида ўтказилиб, финал босқичи ғолибига туман ҳокимининг кубоги ва қиматбаҳо совғалари топширилади.



2019-10-21 17:25:20